



E8289 Uc 4152

Bayerische Staatsbibliothek

München 2 NO, den
Ludwigstraße 23

11. MAI 1938

An
die Truss. Stadtbibliothek
in Berlin

senden wir Ihnen am hierher geliehene[n]
Werk n. (30 Bde.) mit bestem Dank zurück. Wir ersuchen,
Handschrift den ausgestellten Empfangsschein zu vernichten.
den ausgestellten Empfangsschein uns zurückzustellen.



7800 AMAT

NO. 5 N.Y.C.
RECEIVED

2 blocks: McC 4152

1. Conflium ^{et}_{responsiveum} De pace
2. Aphorismi Doctrinae Jesuitarum
3. Cyriacus Thrasymachus.
4. Instrumentum pacis Oliv.
5. Neoplaton et König
6. Organibz et König zu Flößern.

3
48.

CYRIACI THRASYMACHI
DE JUSTITIA ARMO-
RVM SVECICORUM IN
POLO^NOS

Perque ea
Liberata à magno periculo
Germania

AD
ANDREAM NICANOREM
EPISTOLA.



Juxta exemplar Stetinense.

HELMESTADI,
Excudebat HENNINGVS MULLERVS
1554.

CYRIACVS THRASY,
MACHVS ANDREÆ NICANORI

A M I C O S V O

S. P. D.

Dentidem ex me queris, Amice, num quas
ego censeam justicas caussas esse illorum
armorum, quæ Serenissimus Potentissimus
que Rex Carolus Gustavus, & Inclitum il-
lud Suecorum Regnum in Poloniæ Regem
& Rempublicam hodie movent: an item
existimem bellum illud Polonicum Germanicæ saluti ob-
futurum, nec ne. De utroque enim perte dubium reddi,
varijs in utramque partem hominum sermonibus: non
posse tamen non sollicitudine quadam duci cum Germa-
niæ quia patria est, tum Sueciæ, qua haud dubie est Ger-
maniæ à suis quondam oppressæ liberatrix, & adversus im-
minentia pericula præsidium. Si videlicet nullæ sint justæ
Suecorum armorum caussæ, verendum esse, et si initia fe-
liciter succedant, exigentibus id fortè Polonorum in
Deum commissis, tandem tamen fatali ruina & illa vindici-
atum iri, summo pariter Germaniæ dispendio. Adhoc,
quasi pro lorica fuisse hactenus Poloniæ Germaniæ ad-
versus barbaros populos, Mochos & Tataros: qua fra-
cta videri nos jam imposterum iri expositos eorum tyran-
nidi & incurisibus.

Ego verò agnosco animum amantem boni publici pa-
riter & intelligentem. Non est autem quare te curæ i-
sta quidem mordeant. Etenim interdum injusta quoq;
arma, (qua Dei est sapiens humanarum rerum administra-

A 2

tio,

Rutilius de Roma.

JU STIS BELLORVM CAVSSIS, nec PACI
SVPERBA
Nobilis ad SYMMAS gloria venis OPES.

VHS 1050892

tio; antequam magnus ille & terribiles dies justum sceleribus supplicium decernet) diurna satis felicitas excipit. Suecorum verò huic bello justificarum caussarum, quales solent ab hominibus & inter homines passim acceptari, nihil deficere: ac proinde non esse quod hactenus quidquam vereare: simul verò, nec fractis licet Polonorum rebus, periculum aliquod à Tataro Moschoque Germaniæ imminere, imo ab eo periculo nos hisce armis potissimum liberari, quoniam ita vis, docebo.

Poteras vero prius illud jam tum didicisse, si qua par erat attentione expendisses, quæ editæ sunt chartæ de causis novi hujus belli. Abunde enim illæ exhibent omnia, nisi quod brevitate sint fortassis tardiori cui Lectori non-nihil obscuriores. Non vacat sane culpa, quod illis lectis nondum acquiescas: sed vulgi sermonibus tanquam fluctu circumagi te patiaris.

Attamen, ceu promisi, dabo operam, ne quis te error amplius hac in re agitet: quoniam id postulat amicitiæ nostræ jus, & tua expectatio. Ordine igitur agam: initio belli hujus justitia exposita; deinceps factio progressu ad id, ut metu libereris de imminentे imposterum Germaniæ à Moscho & Tataro periculo.

Nisi autem vehementer fallor, armorum quidem justitiam clare docero, si ostendam duo: per Polonos scil. non per Suecos stetisse hactenus, quominus àdum inter populos illos firma ac perpetua pax vignerit; Polonos porro multis modis induciorum leges frigisse, quæ sancte hactenus à Suecis sint observata, ac proinde culpa sua latissima ante tempus arma hac in sece provocasse.

Principio igitur tenendum est, bellum Sueciæ cum Rege & populo Polono non demum nuper cœpisse, sed fuisse jam per annos quinquaginta sex; & quidem perpetuos; nisi

nisi quod non æque annis omnibus illud ferbuerit, & semel iterum per inducias aliquamdiu fuerit quali suspensum. Originem bellinon Sueciæ sed Poloni dederunt. Nec enim Suecorum aliquis antehac unquam Polonorum quenquam læserat, multo minus rem publ. eorum aliqua affecerat injuria, donec Sigismundus infestis armis, adjutus valida Polonorum manu, patrium Sueciæ regnum anno 1598 adortus est. Infeliciter quidem conatus ille cef sit Sigismundo ejusque auxiliariis, imò cùm non desineret injuriarum, ab Ordinibus Regni Sueciæ, quos penes jus illud erat, proscriptus ille est anno sequente & Regni illius dignitate exutus, neque deinceps recuperare quidquam perditæ auctoritatis potuit: moliri tamen nunquam desit cum suis Polonis, clam palamve, prout vires ferebant, quo Regni Sueciæ statum subverteret.

Non repetam Carolo Rege hinc inde gesta. Simul gubernaculo Regni est admotus Gustaphus Adolphus, non multo post iterum more suo classicum cecinit Sigismundus: multum profecturus, nisi nondum Russico bello solitus sueta sibi imprudentia fuisset rem aggressus, & in Sueciæ populo viguisse patriæ amor novoque Regi data fides. Agebatur tunc annus seculi hujus decimus sextus. Recitabo tibi illius molimini historiam, non meis, non alienis, forte suspecti aut non satis rerum gnari testis, sed scriptoris Poloni verbis, quo minus dubites. Est ille Patrus Piascius gente nobilis Polonus, dignitate primū Abbas Clarætumbæ, inde Episcopus initio Camenecensis mox Præmisiensis, Regni Polonici senator, cujus prudentiam & candorem loquuntur quæ edidit Chronica. Is cum fecisset verba quadam de Comitijs Regni Polonici Ordinum, anno isthuc quem dixi habitis, pergit: Subsidia quoq; Sigismundo Regi pro recuperando Regno Suecia fuerunt promissa. Ad hoc

hoc enim ille animum tuuo magis quam unquam alias applicaverat, persuasus quod, dum Gustavus Rex adhuc esset etate immaturus, facile ab eius obsequio Sueci possent avocari. In quo negotio miserat quoq; ad Regem Dania suum Legatum Ioannem Veiber Praefectum Pucensem, postmodum promotum ad Palatinatum Culmensem, ut illius animum tempestive adjuvandas partes suas fleteneret. Nec vanaverat talis coniectura, cum iste studia popularia necdum sibi devinxisset, & plures ibi adessent, qui illatas sibi à Carolo eius Patre iniurias aliqua occasione vindicare cuperent: si modo Sigismundus Rex tali opportunitati rei benè gerenda consilia cauitora coniunxit. Verum omnia intempestive, prepostere ac magis ad præmonendum hostem siebant. Nihilq; de ipsis cum Consiliariis Polonis conferebat Rex, sed cum Suecis ac Germanis eantum, qui pauci, illique rerum & præsertim belli ducenti expertes in eius Aula aderant. Michael Adolphus Comes ab Altheim, (quietiam sub hoc tempore instiuenendo novo ad debellandos Turcas Ordine militum speciosus quam utilius laborarat) præcipuus bellii illius arbiter in se receperat, quod 20. millia militum Germanorum conscriberet, & classe in Sueciam transportaret, qui tamen nullum experimentum comparandi exercitus, vel conquirende classem habebat. Et nibileminus expeditionis istius moderatores, præsertim Franciscus Tenagel, (carcerem & tormenta à Mattheia Imperatore propter arcana Rudolphi Imper. perpessus) quem Rex Sigismundus Cancellarium Sueciarenunciarat, ac Gabriel Poze Suecus, illo bellico apparatu ab Altheim promisso fredi, (quasi exercitus in processu haberetur) bellum in Suecia divulgarunt, typo impressis Regiis edictis per Provincias ibi sparsis, quibus populi illi contra Gustavum, ut illegitimum Regem concitarentur. Ac commoverat hoc non leviter eam gentem, rarijonesque Gustavi turbasset gravius, si ibi adfuisse p. r. et robor aliquod militare, cuius præsatio partes Sigismundiana fulta succrescere potuissent. Sed cum illae copia & classes Altheiniusquam apparerent, omnes earum partium ve-

tem veriti exemplum, quod ibi tempore Caroli Regis multos similes Regis Sigismundi consiliis confisos frustratosq; perdidera, se se à novandis rebus continuerunt. Gustavus quoque tali præuentio admonitus, tempus longum habuit, ut in singulis Provinciis fidei-
tores sibi Rectores instituerit, qui diligentias omnes hostiles conatus observarent, & Patrem imitatus, prævenire periculum malum, bellumque induxit in Livoniam anno subseqnente.

Hæc Piasecius. Narraverat ille jam tum ad annum 1613 nonnulla de Sigismundi in Sueciam molitionibus, in Comitiis Warsaviensibus, frustra tamen, agitatis. In recuperatione, inquit, Regni Suecia subsidium à republ. tantis angustis pressa sperari non poterat: insinuatum tamen fuit, ut admoneantur Ordines, quod Moschua, unde Rex in Sueciam divertere proposuerat, amissa, averteretur quoque tanta rei bene gerenda pro vindicando illo Regno occasio, & bellum quod inde Livonia imminerez, meliori compendio Moschovicarū virium averti potuisset. Narrat idem in descriptione rerum anno 17 & 18 gestarum, expeditionem Suecorum, classico Sigismundi excitorum, in Livoniā duce Fahrensbachio institutam, eiusque proditione post corruptam: ut &, quemadmodum maiore felicitate ipse Rex Gustavus Adolphus anno 21. in Livonia Rigam occupaverit, anno autem 23 Sigismundus nova clam agitarit consilia de transferendo in Sueciam bello, quæ Gustavi adventus turbaverit. Sed hæc nihil ad rem nostram. coque non est quare hoc loco repetantur.

Quamvis verò omnia infeliciter Sigismundo ac Polonis, Gustavo autem Adolpho Regi ex voto quasi cesserint, non tamen Gustavus Adolphus Rex Regniue Sueciæ Ordines pacem Polonis offerre æquis conditionibus iam tum anno 23. omiserunt. Non dissimulavit hoc Piasecius. Verba eius hæc sunt de Rege Sueco: Præ se ferebat ille tunc, quod ad tractandam pacem inclinarer: sed iam impotens, absq;

præpar-

præparatione, cum hoste tam superba ostentatione rumente, tractare, indignum videbatur. Stabat in anchoris nimirum propè Gedanum Gustavi classis, excita illo rumore de transferendo bello in Sueciam: impar erat gerendo bello Sigismundus, & tamen *indignum* scil. Polonis vim pacis oblata consilia agitare.

Sequente anno 24, irritis Comitiis Warsaviensibus, ob populi Polonici diffidia, et si summe tenues essent Polonorum vires, Suecorum interim res in Livonia florarent, rursum pax Polonis oblata fuit, sed frustra. Dabo iterum testem illum Piascium. In privatis, ait, colloquis Proceres, maximè Lithuani, Regi suadebant, ut consideret quod populi rotina Regni bellis prateritis exhansti, ad vocem tributi sumptusq. belli-
cos subministrando induruerant, eoq. bellum Sueicum difficilius duciposse, potius honestis mediis cum illo hoste transigeret. Ac proponebant conditiones pacis non indecoras, quas fidissimi Gustavi Regis Sueci familiares suggesterant: nempe ut restituta regno Poloniæ Livonia, universam Esthoniam & Finlandiam cum ipse successionis in regno Suecia, si Gustavus decederet sine prole mascula, unus ex filiis Sigismundi Regis haberet: titulo quoq. Regis Suecia Rex Sigismundus uteretur, dummodo Gustavus cum eodem titulo Regio Regnum Sueicum secure teneret. Sed nihil profecerunt.

Anno 25 denuo pacem perennem, vel saltim longas inducias Polonis Sueci, florentissimis rebus, obtulerunt: iterum verò reiectis sunt à Polonis. En testem tibi illum eundem Piascium. Precipuum inquit, deliberacionum Comitialiū caput fuit de bello cū Suecis Livonicis: ad quod isti dum Inducias ad mense Aprilem proximum stabilitate finirent, maiores vires apparabane. Nec induci poterant ad prorogandas illas inducias in tractatu interim super hoc habito, nisi Rex Sigismundus eas longiores, nempe in multos annos esse weller, vel Suecia Regno se abdicaret, pacemq. faceret perennem. Et maiores illi sumpserant animos,

cum in-

cum inaudissent in' Conventibus Terrarum (qui antecedere solent Comitia Generalia) Polonia Ordines à bello abhorrente, suisq. Numeris ad ista Comitia mandata dedisse, ut nulla tributa pro impensis belli illius concederent; quibus Regem Sigismundum destitutum, etiam iniquiores conditiones pacis suscepturum Sueci sperabant. Nec eos sefellit conjectura quoad tributa; exigua enim fuerunt concessa & qua vix debito in præteritis expeditionibus contracto exolvendo sufficerent. Sed tamen Rex leges pacis aut induciarum ab ipsis propositas non probavit: quamvis Proceres evidenterib[us] argumentis reliqua Livonia iacturam & maiora Reipublica incommoda inde nascitura demonstrarent.

Vindicavit tamen iniquam repulsam Deus, & illo quidem anno omnem Livoniam, excepto uno Dunemundo, sequente magnam Prussia partem, donavit felicibus Suecorum armis; Iaroslaviam quoque urbem, penu locupletissimum totius Poloniae, subito incendio perdidit.

Interea tamen Gustavus Rex tractatum pacis institui petit, teste eodem Piascio pag. 385 (utor editione Batavica) imò anno 27 per Legatos Hollandicos, vel pacem vel triginta annorum inducias amplissimis conditionibus offert Polono, sed, ut antehac semper, frustra. Audi quæso narrantem & hoc Piascium. Legati Hollandicis abruptum de pace tractanda colloquium, adveniente ad castra Rege Sigismundo Mense Septembr. iterum instaurant, & prope ad optatum finem perduxerant, adnitentibus Proceribus Polonia, Regemq. sum pro tranquillitate publica deprecantibus. Tanto magis quod Gustavus omnium ablitorum restitutionem offerret, prater Riga, quam ad plenam super jure successionis in Regno Suecia durantibus triginta annorum inducias faciendam decisionem, retinere voluerat. Sed totum illud negotium pene maturum, evertit nova Regi de recuperando Regno Suecia spes inecta ab Austriacis, quorum intererat, ut Gustavus bello Polonio distineretur & à

B

Germa-

Germanicis rebus averteretur. Ad finem enim tractatum, cum postridie pacis leges concludi & publicari debuissent, ad venerat cum Stanislaw akouski ab Hispano Rege missus Gabriel Roy, & paulo post eius collega Baro de Bi, qui promisit: quod intraduos menses Regis Hispaniae impensis, classem viginti quatuor navium bellicarum in sinu Baltico comparanda esset, eis imponendi duodecim mille milites, à Vainsteno iam ad hoc destinati, in Sueciam trahicere, ibi sedem belli figere deberent, ac impensis Regis Hispaniae sustentari, donec bellum durarer: Ad quod ducenta millia talerorum Imperialium in collybis se habere prompta dicebat. Tam speciosissimaq; promissis confisus Rex, induciis pro Regno Sueciae, quod vivens illis auxiliis recuperare maluisset, longioribus subscribere renuit, & rebus infectis Varsaviam redit ad Comitia Regni.

Delusus fuerat ab Hispano Sigismundus, adhac classem novem instructissimarum navium perdidera, Gustavo contra pleraque feliciter successerant; hic tamen promptus fuit ad acceptandas inducias, interventu Galliae & Angliae Regum, ex usu Poloniae potius quam suo anno 29 pactas, Sigismundus vero perdifficilis. Difert idem testatur Piascius; Regem talem passionem improbase. Exortus tamen, addit, à Senatu, ut bellum illud tam difficile ad felicitiora recipi. tempora differret, eam suscepit, approbari q; publico Ordinum decreto permisit. Audi vero sodes & Stanislaum à Kobyerzycko Kobierzicki, Castellatum Gedanensem, florentissimum historiæ Vladislai Principis scriptorem. Verba ejus hæc sunt l. II. pag. 926. Tandem bellum illud Prutenicum quod ultra quadriennium gestum erat, induciis in quinquennium stabilitatis conquievit. At Rex Sigismundus difficulter in eas consenserat, & ante a multoties sollicitatus ab ordinibus, ut honestis, quas offerebant Sueci conditionibus, vel perpetuam, vel plurium annorum termino circumscripdam conficeret pacem, neve rempubl.

rempubl. molesto implicaret bello, nunquam adduci potuit; spei in- jectæ ab Austriacis ultra modum memor tenaxq; quam illi ad recuperandum patrum regnum fecerant. Multa alia idem ille laudato ante loco narrat, quæ luculente docent, quantum inhilarit etiam tum Sigismundus vanis Hispanorum promissis, de invadenda Suecia: plura forte additurus, nisi illum classis Hispanicæ, quam Hollandi post Trompio duce deleverunt, consilia latuissent.

Tertius insecurus annus Gustavum pariter & Sigismundum extinxit. Nemo tamen non facile videt, quādiu quidem Gustavus potitus est rerum, per Polonos stetisse solos, quo minus firma pax inter utrumque regnum coierit. Eluxit sane idem studium pacis in Gustavo, etiam defuncto jam Sigismundo, quod ad Polonicum Senatum interregni tempore misso Legato, studiose illum monuerit ea agere, quæ imposterum paci componendæ posent prodesse. Narrabo & rem illam verbis Piasci qualia habentur pag. 452. Orator (inquit) ille repetitiis longo temporum ordine principiis cultæ Polonis cum Suecis amicitia, eandem fato malo interruptam, cum jam, inquit, obicem fors movererit (Sigismundum Regem innuebat, ne verbo tamen cum lœsit aut nominavit) facile reconciliari posse, Suecorumq; studium ad hoc non defore asserebat. Iteratusq; Orationis sue argumentis persuadere conabatur, ut Ordines dum sui juris essent, & priusquam Regem eligerent, ea omnia, quæ reconciliationem hujusmodi, pacemq; tractandam impedirent, tollere studearent. Nempe ut non eligerent Regem ex Regis Sigismundi filiis, nisi prius isti renunciarent hereditati Regni Sueciae: quod unicum pro renovanda cum Regno Polonia pace perpetua Suecus Rex exposcebat. Responditq; ei Archiepiscopus ac Marischallus Equestris, Rempublicam à pace justa & honesta non abhorrecere, & circa electionem Regis ea quæ Republica futura essent, curare velle. Tandem anno 35 pactæ

sunt Stumdorfiæ postremæ induciæ in annos sex & viginti. Etiam tum vero Sueci pacem maluissent: impeditiverunt autem Vladislaus Rex ejusque fratres, & quibus eorum favor potior fuit quam salus publica. Difertè Piascicus pag. 480. Et quidem propositum omnibus erat, universas inter hæc Regna controversias sospire, solidamq; in perpetuum pacem stabilire. Sed cum Rex Vladislaus cum suis germanis fratribus, uti Sueci requirebant, titulo Regis Sueciae, & iure hereditariæ successionis in Regno Sueciae abdicari (licet hoc circa suam inaugurationem Polonis syngrapha secretiori caverat) omnino nollet; nonnisi inducie ad annos viginti sex, nempe ad undecimam mensis Iulii diem, Anno Christi 1661 fuerunt stabilitæ. Imo ipsæ illarum induciarum leges pacis studium in Suecis manifestum fecerunt. Reddiderunt enim hi Polonis Elbingam, Marienburgum, Dirsaviam, Brunsbergam, Pilaviam, & in universum omne quicquid Prussiæ occupaverant, sola Livonia sibi retenta; simulque pepigerunt, ut durantibus induciis semel atque iterum de pace componenda ageretur.

Nec vero etiā illas de pace tandem aliquando constituta tractationes Sueci, quantū in ipsis fuit, intermisserunt. Bis magnis factis sumptibus, & corrogatis hinc inde Mediatoribus, Legati Lybecam illi fini missi sunt. Advenere quidem & Polonici. Sed hi primo statim congressu non dubitarunt producere tabulas plenipotentiales, quas appellant, non tantum multis vitiis refertas, verum tales etiam, quibus Polonus Rex Sueciae Regem sese diceret, atq; ita Regnum Sueciae sibi palam vindicaret. Vetus id omne diserte erat legibus nuperis induciarum, atque adeo ne quidem salvis induciis id licebat; quē potuit hoc ergo tolerari cum de componenda pace ageretur? Nonne aperte illud nudavit, statim circa initia, à pace alienum animum? Serio moniti Poloni Legati à Galliæ Regis,

nego-

negotiorum pacis mediatore, agnoverunt etiam ipsi delictum, polliciti intra tres quatuorve hebdomades, emenda hac culpa, novis tabulis justo Suecorum Commissariorum desiderio se satisfacturos. At quid fit? Abeunt dies, abeunt hebdomades indictæ, magna sumptuum, maxima temporis jactura. Conventi iterum Polonici Legati, postremo affirmant: non se fuisse auctos Regem suum de omitendo titulo Regum Suecia compellare. Non temere quidem id crediderit haud nescius, quanta procerum Polonorum in Regem sit auctoritas. Esto vero. At si Rex contra parta conventa ne titulo quidem illo voluit abstinere, & si Commissariis ejus certum fuit, hoc etiam indignum facinus approbare, nonne liquet Polonis studium pacis, tum sane, ne quidem fuisse cordi?

Frustrancum hunc de pace primum congressum excipiit non multo post alter. Etsi enim justa indignatione moti Sueci potuissent secundum conventum Polonis denegare, noluerunt tamen in se quidquam desiderari eorum quæ ad pacem reducندam faciunt; quo tandem aliquando quieti publicæ Regnorum consuleretur. Legati Sueci exhibuerunt suas quas vocamus plenipotentias. In iis nemomus quidem aliquid quod reprehenderet, potuit inventire. Polonorum vero tabulae inscriptum quidem illum titulum non dederunt; in sigillo tamen & Regni Sueciae insignia pariter & Regis Sueciae nomen aperte præ se tulerunt. Quod est altera manu lapidem altera panem porrigeere. Et vero hoc quoque ludibrium ipsis induciarum legibus receptisque moribus adversari, agnovit ipsemet Zadzechius, caput Legationis Polonicæ regniique magnus Cancellarius; agnoverunt Angliæ pariter & Fœderatorum Belgico-Germaniæ Ordinum Legati, pacis tractatum futuri mediatores. Questi hanc novam injuriam

B 3

quidem

quidem sunt Sueci & quidem jure merito; paratos tamen sese ostenderunt non modo ignoscere & huic culpæ, sed expectare Lybecæ emendationem, quo integris tabulis procuratorijs tandem aliquando sanctum pacis negotium liceat aggredi. Vrserunt illam emendationem Moderatores etiam atque etiam. Frustra & hæc omnia. Post longam tergiversationem responsum denique est à Polonis: *Regem suum Cossackis debellandis occupatum vix admissurum sigilli mutationem: utq. id persuaderi posse, non tamen ibi in promptu fore artificem sigillis sculpentis idoneum.* Quasi vero ingens opus sit sigillum sculpere, & si non in castris, tamen in vicinis oppidis desint id qui præstent. Ita denuo Poloni cum Rege suo, ne id quidem, quod paci componenda ceu fundamentum ex pacto jam substratum erat, ratum habentes, adversum paci animum palam præ sese ferre haud sunt verecundati.

Paulo antequam Regni aviti sceptræ inusitato exemplo deponeret Serenissima Christina, advenit quidem Holmiam Legatus à Poloniæ Rege missus ad Reginam Canazilius, affirmans Regem Regnique Poloniæ Proceres, suos Legatos plenipotentijs exacte instructos in Sueciam missuros, qui de pace transigerent. Sed quis prudens non adverit, tantum in speciem hoc actum, non serio, postelusos binos illos per induciarum leges indictos sollemnes de Pace congressus? Imo quis non suspicetur aliquid monstri Legationem illam aluisse; utpote quum ipso illo tempore novanda esset Regni Suecici administratio, quam sibi uni jure deberi Rex Polonus noluerat hactenus vel leviter dissimulare?

Pro candore suo, & qua pollet, animi generositate, non potuit hoc noviter tum constitutus Rex Serenissimus Carolus Gustavus dissimulare; nec tamen etiam ita ipse

ipse desit, ad seriam de Pace tractationem vel tandem aggrediendam, Regem Proceresque Polonos invitare. Hinc per ipsummet Regni Suecæ Magnum Cancellarium, ut senio gravem ita meritis longe Illustrissimum, Oxenstiernam, Canizilio jussit responderi. Se quidem teneri singulari desiderio componendi isthæc diuturna & cruenta utriusque Regni disidia: sed antecedentium temporum vestigiis admonitum vereri merito, vel eadem que hactenus data sunt iudibria & injurias, vel rerum inania & elusorias procrastinationes. Nec vero fas esse aut satis ex decoro, perinde ut factum antehac: postulandis mediatoribus molestiam Regibus & Principibus exteris creare; specioso apparatu quasi maxima acturos in conspectum orbis prodire, at mox obice agendis rebus injecto discedere. Quo ludibrium vicinis gentibus, inter Regna pacanda mutua suspicione, animi conciliandi ad magna odia commoventur. Induciarum legibus per binos, et si irritos, congressus; à parte Suecia abunde esse satis factum. Cum primis eo, quod Regis Poloniae ludibriis semel iterumq. in primo Lybecensi conventu Suecia ignoraverit. Quod idem Rex solemniter per actus primi congressus admonitus, nondubitaverit etiam alterum congressum iisdem prope ludibriis rumpere, id vero vel patientissimi Principis animum lacerere. Si tamen etiamnum cordi sit Poloniae Regipax certa, solida, & duratura, prætermisis tandem aliquando illis inutilibus prejudiciorum injuriarumq. plenis legationibus, veniret ille & Respubl. Polonica per idoneos plenipotentiarios ad rem ipsam pacis, sine ulterioribus ambagibus, & quidem cito. Experturos Polonos in omnibus Regiam suam equanimitatem. Disidia Regnorum Suecia & Poloniae alias gentes non tangere. Solo longo annorum decursu merito esse debere oblitterata. Quo compendiosius eo rectius componi omnia. Si non placeat Regi & proceribus Poloniae ea pacis compositione, nihil sua interesse. Profuturum tamen, si Legatus nullus redeat non satis munitus facultate componenda pacis, Sin, fore id.

sibi

Jibi certo documento, non pacis desiderio, sed quocunq; alio potius
consilio ambages illas institui. Et vero si pergaunt Poloni mittere eos
Legatos qui se se orbeq; universum decipient, aut literas juria-
bus dignitatig; Regni Suecia derogantes, non posse non se se tot
documentis edictum aliud judicare, quam Regem Polonia susq; dege-
habere sacrosanctam pactorum fidem.

Cum hoc acri responso, quod tamen simul seriam
ad pacem adhortationem comprehendit, dimissus ad
suos est Canazilius. Indubie & Regi pariter & Proceri-
bus Poloniae nihil non horum ex fide ille retulit. Nonne
par itaque fuisset, cum alterutrum ut agerent uisque adeo
ferio admoniti essent, vel tandem mittere idoneos compo-
nendae pacis Legatos, vels saltim inidoneis mittendis glis-
centes jam suspicione non fovere, & animos ægros non
porro accendere, si Polonis fuit aliquod pacis non fuca-
tum studium?

Verum hisce etiam omnibus habitis insuper, advenit Hol-
miam superiore hyeme ex Polonia missus Ioannes Morste-
nus, non instructus facultate cōponendæ pacis, sed quantū
præ se ferebat, paratus tantum præliminaria, quæ di-
cuntur, circa locum & tempus futurorum de pace tracta-
tuum. Directe hoc adversabatur illi per Canazilium da-
to responso Regio. Iussus ex more, antequam admittere-
tur Morstenus, apographum fiducialium literarum ex-
hibere, produxit tabulas, in quibus et si utriusque Regis ti-
tulis solito rectius fuerit cautum, sub finem tamen nu-
merati sunt Poloni Regis Regnum anni: vana quidem,
occulta nihilominus juris in Suecia Regnum, ex more
consueto, commemoratione. Cumque studiose fuisset
inter Reges pactum, de vocula & cetera, quibusdam tituli
Regij vocibus adiicienda, omissam illam esse deprehen-
sum est. Minutias dixeris: at in illis latent grandia, &
toleratæ

toleratæ ad solidas injurias muniunt viam. Posterius sa-
ne coniunctum est cum tacito Regis Sueciæ præ Polono
vilipendio, quasi ille hoc sit inferior. Prius arcana ju-
rium in Sueciæ Regnum vindicationem continet: rem &
Regi & Ordinibus Regni Sueciæ neutiquam tolerandam.
Si minutæ sunt, quare per illas Poloniæ Rex pungere Re-
gem Sueciæ voluit? Certe etiam hæc arguunt, quam ille
sit animo à vera concordia alieno.

Morstenius culpam excusare conatus est, incuria scri-
barum Regiorum. Sed quis non videt hoc quam sit fri-
gidum? Quasi scribis Polonicis fôlemne sit, errare in solis
literis ad Reges Sueciæ scribendis. Et vero incuria scri-
bentium, ab ijs, quibus relegere scripta in officio est, qua-
re emendata non est? Enimvero ipsam talis incuria con-
juncta est cum contemptu. Nec enim per incuriam tra-
ctari solent res grandes & majoris momenti: quales utiq;
sunt quæ paci aut bello possunt ansam aut fomentum
dare.

Commovit hæc quidem recens injuria generosum
Regis animum; sufficere tamen in pœnam credit, nec
literas ipsas nec Morstenium tanquam internuncium ad-
mittere. Quo nihilominus ostenderet Rex, adhuc sibi es-
se animum in pacem propensum, benignissime Morstenio
significari fecit: *Quamvis Rex non amplius obligetur illi per Ca-
nazilium datæ declarationi de admittenda pacis tractatione, cum
illam irritam Poloni reddiderint; non passurum tamen divellisse à
constante instituto de pace rebus omnibus præferenda, si ea que per
Canazilium indicata est ratione, citra ambages, & ex necessitate
horum temporum, talis pax obincipi posset, qua dignitati Regia ac
Regni, & subditorum securitati, posterum satis est prospectum.*
Idem per Senatores Regni Sueciæ ad Senatores Regni
Poloniae plenius prescribi Rex curavit. Et vero indubie
visa

visa tibi est, Amice, & lecta illa Senatorum Suecicorum epistola. Si sane eam qua decet cura expenderis, liquido apparebit, & serio illos studuisse componendæ paci, & Senatores Poloniæ, gravissimis adductis rationibus, ad pacem, quasi solemnibus literis, invitatos esse. Ex adverso in Polonia etiam hæc monita vel surdis auribus vel non æquis animis videntur excepta: et si ipsæ illorum res afflictissimæ nullum promptius remedium quam solidam cum Suecis pacem flagitarent. Quod sane equidem sciam, Legati nulli de componenda pace advenerunt ex Polonia, nisi cum jam pars exercitus Regij excubaret in illorum finibus, & ipse Rex armatus staret in procinctu.

Igitur Suecos hostilia agitare in Polonos justissimis de causis, utique ex hisce omnibus palam est. Qui enim illi animo alio fuerint, cum Poloni pacem omnem toties honestis conditionibus oblatam repudiaverint? Nec vero licet non hostem agere in eum, qui pax quo minus coeat obnittitur; nisi opprimi velis.

Cæterum dixeris tu fortassis, Inducias tamen pactas inter utrumque populum in annos sex & viginti, ac proinde anno dénum sexagesimo primo finiendas; quas præpropere adeo infestis armis abrumpi, nefas esse. At vero quis sive justus sive prudens affirmaverit, omnium omnino induciarum, nullo habito discrimine, finem demum semper exspectandum? Interdum arma justissime maturari in partem, quæ fidem induciarum fregit, apud omnes gentes receptum est. Attende vero, mi Nicanor, quemadmodum circa inducias sese Poloni gesserint, & Vladislao pariter & Ioanne Casimiro Regibus.

Fervebat Vladislao vivo bellum Suecorum cum Cæsare, cautumque lege erat: *Quod Rex Vladislaus ac ejus successores Reges Poloniae, utque Regnum Poloniae & Magnus Duxatus*

tatus Lithuaniae, cum provinciis & Principibus sibi subiectis, nil hostile moliri debeant durantibus istis induciis, contra Christianam Reginam. Regnumque Suecia & ejus provincias ac civitates, & nulla classe armata aut, neque eam aliis quibuscumque subministrate contra illud Regnum.

Non numerabo inter læsa conventa, quod simul inducitæ pactæ sunt, sex millia equitum Polonorum, duce Paulo Noskonski præfecto Lomziacensi, signa Cæsarea acceperint; et si hostiles vires permultum eo creverunt. Idque quoniam non proxime in Suecos, sed illorum fœderatos Gallos tantum illi pugnaverint, quodque proceres Poloniæ illos mox severis edictis in patriam revocaverint. Accepto nimirum hanc excusationem. Non computabo etiam inter injurias, quod Polonorum alij multi Cæsari adversus Suecos ipsos militaverint. Nemo hoc Polonis haec tenus non condonavit: eoque nihil habuit causæ nuperus Polonus Legatus Christophorus Przimski, cur id defenderet, à culpæ criminacione. Frustra sane excusas quod incusat nemo.

At vero quod per medium Poloniam Cæsareus hostilis miles, nemine vetante, nemine vel leviter sese opponente, bis in provincias Regno Suedico subditas Vladislao Rege penetraverit; hoc vero non vacat culpa fractæ fidei. Prima excursio fuit Botio duce in Livoniam nihil hostile tū exspectantem. Altera in Pomeraniā duce Crockovio. Ad neutram hosti fuit aditus nisi per medium Poloniam. Non alia etiam via utraque incursio fuit instituta; non alia repulsius hosti se recepit & ultimum excitum evitavit. Quis non videt, talia instauri non potuisse, nisi republica Polonica, non connivente tantum, sed conspirante clançulum in exitium Suecorum exercituum? Nec sane talia facti solent in Regno rebus suis fatagente. Erat vero ipsa

ipfa quasi salus Suedici exercitus collocata saltim in Pomeraniæ tranquilla possessione: quam proinde plurimum profecto lœsisset Crockovius, nisi celeritate & felicitate Konigs-marckij fuisse oppressus. Hunc vero non solum per Poloniā invadere Poloni permiserunt: sed monitus etiam & rogatus à Regni Suedici Senatoribus Senatus Polonicus, saltim ut redire hominem prohiberet, hunc tamen per Poloniā effugere passus est quidem, Konigsmarckio autem persequenti transitum denegavit. Imo illi Crockovio ex arce Pucense aliisque Poloniæ castellis arma ac tormenta bellica submissa sunt. Botij irruptionem, conquerentibus Regni Suedici proceribus, excusare quidem conatis sunt Poloni, frigide tamen, ignorantiam caussati. Ut in Crockoviano hoc negotio nullo eos colore fucaveris, à culpa hostilium molitionum contra induciarum leges.

Porro cum Oefeliam insulam Danus Regno Sueciæ cessisset, inter reliquas pacis conditiones, idem ille Vladislau Rex non dubitavit insulanos ad defectionem à Suecis, in Regni Poloniæ ditionem, misso multis cum literis & mandatis ad Oefeliensem suo nobili Camerario Bergio, invitare. Literæ quam multæ hodieque superant: & palam adeo res acta est, ut negari non potuerit à quoquam. Eo vero conatu ruptam induciarum illam quam præmisimus legem, non minus luce meridiana est clarus. Quid enim est moliri aliquid contra Regni Suedici provincias, si hoc non est?

Adhoc Vladislau ille Rex ipsos quoque Livonos sollicitavit, ad defectionem à Suecis. Clanculariis quidem artibus res, ut solet, gesta est, emanavit tamen & plurimis testimoniosis innotuit; usque adeo, ut nec hæ molitiones queant fronte haud erubescente negari.

Magis arcans consiliis agitati fuerunt conatus Vladislai cum

fa cum Christiano IV Daniæ Rege, cum Arnhemio, & Baudisio; ita tamen, ut prudentem neminem temere fefellerint, in perniciem Regni Suedici eos institutos, solo Numinе frustrante iniqua facinora.

Hæc omnia jam tum Vladislao Rege contigerunt. A Ioanne Casimiro nemo non Sueciæ Procerum, cum Regina ipsa Christina & Rege Carolo Gustavo, majorem pactorum fidè exspectasset. Defuncto Vladislao fratre, rogata ab illo pariter fratreque ejus Carolo Ferdinando, de eligendo Rege consultantibus Polonis Serenissima Regina Ioannem Casimirum in Regem studiose accurateq; commendaverat: ac proinde omnium una spes erat, tandem aliquando vetus carcinoma, post tot annorum intervallum, animorum æstu jam defervescente, remedium admittere, inque id Ioannem Casimirum novo beneficio devinetum, operam sedulo daturum. Accedebat quod Poloni à Colaccis, Tataris, Moschis undique premerentur, domi consiliis viribusque, foris auxiliis omnium Christianarum gentium nudati. Quis itaque non sperasset, saltim nunc serio incubituros cum suo Rege Polonos paci, aut minimum induciis cum Sueco pæctis? Quid tum Poloni? Piascius ipse p. 509 testatur, propendisse illos magis in Casimirum Regem eligendum quam fratrem ejus Carolum Ferdinandum, quod esset suffultus prærogativa hereditarij tituli Regis Sueciæ. Septen-nium circiter est, cum Ioannes Casimirus potiri rerum cœpit: tantum abest vero illum interea serio consilia pacis agitasse, utpene nunquam desississe fidem induciarum violare. Harum legibus adjectum erat, quid in titulis Regiis utrinque observari debeat, & quidem Poloniæ Regibus abstinentendum à titulo Regum Sueciæ: imo hoc quarti in basin substratum fuit induciis, utpote quum eo caveatur Regno Sueciæ de libertate sua, Regibus de securitate.

tate. At vero novus hic Rex nunc vafro commento sus, lingua & more Gallico literas scripsit (quas antiqua consuetudo Latinas exigit) ne scil. ita videretur abstinuisse debito sibi titulo, aut Reginæ indebitum tribuisse: nunc Latine scribens, palam sive in sigillo sive in ipso titulo nomen Regis Sueciæ sibi usurpavit. Nunquam, id quod legge erat cautum ut observaret, potuit induci: et si bis solemnis de pace tractatus ea una penede causa irriti redditi sint, ceu jam ante narravimus. Nec vero Regina duntaxat hisce ludibriis à Rege illo fuit contra induciarum pæta perpetuo exagitata, sed & Rex Carolus Gustavus, quamvis erga hunc solito modestiorem fese exhibuerit.

Audivisti de injuriis hisce monitos ipsos Regni Poloniæ Senatores à Senatoribus Regni Sueciæ. Dum exspectatur emendatio, ex variis locis certissimis testimonius adfertur, Regem Poloniæ, more sui fratri, Livonos ad affectionem invitare, imo illos pacantis Cotackis in prædam offerre. Quæ molitto inimica quam maxime est utique sanctis induciarum pactis. Nec vero est quod existimes, incerto hæc rumore nisi, cum in promptu sint testimonia quamplura.

Nec his contentus Rex ille, nova clam fœdera molitur, tantum in perniciem Regni Sueciæ. Novisti, Niccanor, quanti inter illius Regni, ne qua peregrina classis Balthico mari incumbat. Vertitur in eo sane talus Regni: utpote cuius provinciæ pleræque mari illo alluantur; ac proinde expositæ sint incurribus cuiusque validæ classis, si sit infesta. Hinc prudenter caverunt dudum Reges Senatoresque Regni Sueciæ, ne qua classis peregrina maris illius tranquillitatem perturbaret. Diserte in pactum induciarum est receptum, quod jam audivisti: ne Polonus armata classe utatur, nec eam alii subministret in Regni Suedici de-

trumentum.

Ex adverso Rex Polonus vicinos amicosque Suecorum, præsertim mare Balthicum vel accolentes vel navigantes, solis Suecis exclusis, omni studio allicit in fœdus de paranda classe, & quidem peregrinis viribus maxime fulcienda, foederis formula jam concepta. Non indiget Poloniæ Regnum classe, saltem quamdiu induciæ valent. Quare ergo jam classem meditatur nisi in Suecici Regni damnum? Quir ab illo suo novo fœdere solos Suecos exclusos vult? Certe communis boni si quod ab illa classe fuerit exspectandum, etiam hi utique participes debebant esse, quum omne mare illud Balthicum finibus Suedicis potissimum sit inclusum. Id prorsus intolerabile, hæc agitari ipso illo tempore quo pacis componendæ caussain Sueciam Legati à Polono sunt missi. Cui enim prudenti non suboleat, missitationes illas institui fraude quadam; ut nimis eo tutius laterent insidiæ, & Sueci pacis spe inflati, minus debito rebus suis attendentes, eo promptius circumvenirentur.

Tot modis uno non integro septennio, non dubitavit, in summa licet virium suarum debilitate, lacerare Suecos contra induciarum leges Rex ille Ioannes Casimirus. Quid censes fuisse facturum, si animo facultates respondent? Sed non est quare quidquam divinemus de futuro, cum nimis liquido pateat, quantum non Vladislaus tantum, sed Ioannes quoque Casimirus Rex sanctam fidem induciarum violaverint fregerintque. Dixeris forte, omnia hæc nullo successu facta & incassum: ac proinde non oportere vanos conatus revocari ad animum. At vero ipsas molitiones quasque, jam percepisti induciarum legibus esse vetitas. Et vero quæ sint induciæ illæ, quarum opera non sis tatus adversus molitiones? Certe bellum apertum utilius fuerit illa quiete, quæ molitionibus quibusve hosti-

hostilibus exposita est. Nemo profecto prudens tales quietem feret, aut illam hoc nomine dignabitur. Quis itaque non merito indignetur, si sentiat nunquam se non peti molitionibus occultis, quo tempore sacramento tranquillitas firmata erat? Nullum sane majus argumentum est iniqui & superbi animi, quam si viribus destitutus injuriarum non desinas. Insolentiam in potente ut excuses, in debili intoleranda est.

Sed soli Reges peccaverunt forte, nulla reipublicæ Polonicae integræ culpa. At vero, utique non potuerunt Regni Senatores latere, ea qua memoravimus facinora, quū in vulgus pene omnia innotuerint. De quam multis conquestum apud illos s̄epius est. Quare itaque passi sunt Reges suos ita insolescere contra pacta conventa totius reipublicæ? Parcere nimirum voluerunt Regibus quo gratiam eorum obtinerent, quasi tanti non sit in Sueciam peccare. Aperte sane id patuit primo de pace Lubecensi congressu, quum post longam moram tandem Legati causarentur, non se ausos Regem suum de mutando titulo appellare. Atqui apud omnes populos recepti est juris, ut reipubl. universæ imputetur crimen, in quod cum possit & debeat illa animadvertere, permittit impune: nec à moribus Polonicis est alienum, sed satis familiare, Regum actus severe improbare ac perstringere. Itaque quod ad hæc omnia praeter morem maluerint connivere, culpa jam omnium facta est & communis & publica.

Sed dixeris: Cautum tamen fuisse induciarum legibus, ut de iniuriis interea temporis oboris, utrinque circa Livonia fenes conventus fierent, per commissarios, salvis induciis. Ita est. At non est pactum, onus petendi, Commissiones illas Suecis incumbere. Conquesti Sueci sunt s̄epius de iis quæ fierent adversus pacta, apud Reges & Senatores Regni Poloniae.

Ioniæ. Polonorum itaque erat, querelis illis commoda excusatione aliqua diluendis, conventus indicere aut petere: utpote cum non Sueci sed Poloni injuriarum & fractæ fidei arguerentur. At vero ne quidem semel ab iis id serio factum est. Imo quandoque ad Suecorum querelas ne quidem per literas aliquid est responsum; alias non nisi frigida excusatione querelæ rejectæ, inani obtentu scilicet ignorantiae in publica omnium conscientia, vel extenuatione iniqua commissi facinoris. Quem fructum ergo etiam Commissionum potuerunt sperare Sueci, si quas petissent, tam indigne habiti? Et vero, nonne Lybecenses bini illi de pace congressus, in quibus non dubitaverunt Poloni ipsa Induciarum pacta violare, & plenipotentias vitiostissimas producere, latis ostendunt, quam futuri fuissent inutiles si non perniciosi de sopiendis querelis conventus? Non fuit sane ex dignitate Regni Suecici, etiam post acceptas injurias, à Polonis emendicare commissiones illas quas vocant. Poloni quod hac in re jure imputent Suecis, non habent: cum ipſi crediderint infra suam dignitatem esse, laſis etiam & conquerentibus Suecis mitigandis, conventus ejusmodi procurare.

Hisce omnibus ad hunc modum non nihil majore cura abs te expensis, nonne jam vides, Nicanor, potuisse merito Succos vel paci renunciare, si quæ illis pax cum Polonis intercessisset? Certe similibus de causis gentes pacatissimas passim ad arma convolare, idque bellum non injustum videri, notissimum est. Illis sane populis, qui maxime nunc accusant Suecorum arma, longe levioribus praetextibus bellum gerere, solempne est. Ut facile appareat, urilios potius felice armorum successu, quam in justitia; & hanc non nisi inane invidiæ odiique esse pallium.

Sipacis vero tempore ejusmodi injuriæ bellum mereantur,

antur, quanto magis non nisi per inducias suspensis armis? Multum interest scilicet, Nicanor, inter pacis & induciam status, nec quod in illo idem & in hoc tolerabile videtur, aut venia dignum. Rectissime Gellius: *non pax est inducia, bellum enim manet, pugna cessat.* Stricti juris omnia sunt per inducias: adeo ut si pars minus ex fide illas observet, alteri parti mox jus in se se det armorum, nisi speciali conventione aliter sit pactum. Quali ratione non vivitur in pace.

Video nonnullos haud quidem diffiteri, justo dolore motos Suecos arma tandem corripiuisse: arbitrari tamen, dissimulandas fuisse omnes injurias & condonandas, quod jam tum Poloni misere affligerentur: nec enim afflictio addendam afflictionem. Quorum probitas vehementer placet. At si afflictus aliquis, nec injuria forte afflictus, non desinat alios quietos haec tenus & sibi indulgentes injuriis lacestere, imo in perniciem eorum conspirare, an is propterea dignus est misericordia quia jam tum affligitur? Neutquam. Extremæ enim signum est insolentiæ, etiam inter adversa moderari non posse impotenti animo; ac proinde poena dignum est exquisitissima. Quid si certissimum sit, fore ut is qui jam affligitur, ubi liberatus fuerit ab ærumnis, te majore solito damno afficiat, an pietas exigit parcere illi afflito, donec emerserit? Non sane hoc exigit pietas, & fuerit hoc summæ imprudentiæ. Adhoc, est quædam afflictio interdum alterius afflictionis remedium. Perinde ac dolori dolori nonnunquam medetur. Itaque est interdum etiam ex re ejus qui affligitur, ut denuo affligatur. Habent hæc omnia in Polonis locum. Non desierunt illi haec tenus, rebus etiam turbulentissimis maximeque afflictis, inducias Suedicas violare, illique reipublicæ struere insidias contra conventa pæcta; ceu audivisti. Cer-

tum

tum est ex signis innumeris, Polonus recuperatis viribus infestissimos hostes futuros Regno Sueciæ, & nihil nunc conatibus obstare periude, atque ea quibus cum conflantur Moschorum & Cosaccorum arma. Denique jam redierunt eo res Polonicæ, ut nisi armis in Suedorum ditionem redigantur, succubiturum illud Regnum omne sit sævitiae Moschorum, Cosaccorum, Tatarorum, Turcarumque: quod paulo post liquebit. Quum itaque jam dudum Poloni in se se dederint Suecis justam belli copiam, nec à mora ulteriore ullum malis remedium, sed pericula maxima utrique parti (nam & Suedici Regni summo cum dispendio fuerit coniuncta Moschorum Tatarorumque de Polonis victoria) certo immineant, non pius amplius, nec prudens fuisset, & pericula & iniurias justorum armorum abstinentia alere.

Nisi vehementer fallor, Amice, satis iam feci primæ dubitationitæ.

ALTERAM itidem nunc, paucis tamen, expediemus. Et quidem demonstrabimus primo, *rempubl. Polonam non fuisse Moschis Cosaccisque parem, sed certo fuisse succubitaram, arg. ita futurum fuisse;* ut latus illud Germania populis istis barbaris detegretur: deinde vero, *novis viribus prudentique Suecorum administratione, ita suffulciri Poloniam posse,* ut Germania ab isto periculo sit libera.

Prius illud palam est, vel ex iis quæ hoc proximo quinquennio contigerunt. Quantos enim progressus fecit Cz ar Moschorum brevi tempore per Lithuania & Russiam Polonicam! Quam invalidam & levem manum tantæ multitudini tantoq; robori obiecit Polonus! Quanta porro sunt multitudine pariter & præliandi promptitudine rebelles Cosacki, & qui cum iis conspiravere agrestes Russi! Quantillum est quod Poloni opposuere! Quamve omnia infeli-

D 2

citer

citer successerunt! Nonne per est verisimile, nisi Sueca-
vis & auctoritas intercessisset, futurum fuisse, ut vel haec hy-
ems proxima Germaniae finibus Tataros, Moschos, & Co-
sacos miscuisset? Nec vero est quod exspectare meliora
a Polonis potuerimus; quæ illorum fuit corrupta res-
publica.

Lustra sodes, mi Nicanor, militiam Polonicam. Nulla illi populo auxilia ab ulla Christiana gente. In Tataris spes fuit reip. posita: hoc est in iis qui in speciem amici, ast infidi incertique, & sub ipsa amicitiae specie sœvi sunt regio-
nis vastatores, in universum Christianæ hostes fidei &
Polonorum veteres inimici, soli prædæ intenti.

Iam cum miles sit alius delectus aut evocatus, alius merce-
narius, uterque sive pedestris sive equestris, & quidem aut pe-
regrinus aut patrius: non equidem negavero, olim magnum
robur fuisse evocati equitis Polonici; confusus illis que Samo-
scius in Gallia jaetavit, Polonia Regem cum bellum illatum
propulsandum finesq. defendendi sunt, nulla impensa facta, supra
centum millia hominum armare; quamquam vehementer labo-
ret annalium Polonicorum fides apud quam multos, dum
præclara nobilis illius militia facinora narrant ad poste-
ros. At vero iamdudum in illo quidem Polono equite
ostentationis & inanis famæ plus fuit quam solidi præsidii.
Ne quidem ipsi Poloni, gentis suæ haud parci laudatores,
vitium hoc manifestissimum ausi fuerunt dissimulare. Vnum
pro multis nunc tibi producam testem, gente Polonum, Si-
monem Starovolscium, doctum & eloquentem scriptorem
libelli cui Polonia nomen est. Is diserte suo loco differens
de Regni viribus, cum multum jactasset nobilem Poloni-
cum equitatum, addit: Sed in ista multitudine duo desideran-
tur quæ in bellis gerendis maxime sunt nociva, celeritas nimirum &
abedientia. Quia & tarde nobiles sub signa convenient: comitiis
primo.

primo tot hebdomades celebratis, sine quibus bellum edicis non pos-
test: & difficulter ab æconomia sua uxoribus arg. liberis divellun-
tur: usq. tertium edictum expeditionis bellicæ prava consuetudi-
ne exspectantes. Cumq. jam ad locum designatum convenerint,
rum se unitos & armatos animadvertisentes, aut contra Regem aut
contra Senatum tumultuantur. Vel etiam interdum Reges ipsi zar-
dius in expeditionem procedunt & mora tempus elabi ultro patiun-
tur: ne vel à nobilitate ob malum regimen exagitentur, vel pre-
tensioni eorum cum diminutione suorum reddituum aliquid tribu-
ant. Vnde incommoda ista Resspubl. prospiciens, stipendiario mi-
litie ordinarie bella peragere consuevit, generalem autem nobilita-
tis expeditionem, in ultimum tantum casum reservavit, ut, si vel
tributa non sufficerent, vel hostis ita potens esset, ut ei resistere
conscripto milite Generalis belli nequiret, tum ad generalem o-
mnium nobilium expeditionem, tanquam ad ultimum remedium
confugiendum putarent. Idem Starovolscius paulo post: Quo
autem in ejusmodi expeditiones paratior nobilitas fieret, statutum
est jamdudum publico Comitiorum decreto, ut prima post Pascha-
tis festum Dominica, in singulis satrapis lustratio in armis fieret,
& quisque Palatinus suorum provincialium nomina in tabulas re-
ferret. Quod, aque ut & alia instituta patriæ, aut penitus negli-
gitur, aut certe neglectum peragitur, pœna in delinquentes valde
levi assignata. Accedit porro, quod illa nobilium multitu-
do evocata, licet velit, non possit tamen unum in corpus co-
ire, propterea quod præsidario milite pene ubivis sit de-
stituta Polonia, ut & circa fines commodis arcibus contra
subitas incursiones paratis. Fatetur etiam hoc Starovol-
scius hisce verbis: Illa ingens nobilium equitum multitudo ob-
malum reipubl. regimen nullatenus simul convenire contra hostem
potest: nam aliter nudarentur provinciae conterminæ potentibus
viciniis, quas uique custodire oportet, cum militem in urbibus
præsidariū nullib[us] omnino habeamus, qui impetum supervenientis
hostis

hostis aliquomodo reprimere posset, preter paucas cohortes in Russia que excubant. Vide mihi jam quæso decantatum illud robur nobilis equitatus Polonici quam sit invalidum: & tamen hoc & debebat esse & olim fuit dextera quasi manus Regni illius.

Instituerat olim & peditem evocatum, prudente consilio, Rex Sigismundus Augustus. Audi vero & de illo Starovolscium. Pedestris quoque militia Augusti Regis invento, tam ex urbana quam è pagana plebe delecta, fere jam evanuit: & vix aliquot centena jam numerantur, eaque nullius frugi, qui quindecim millia superare debuerunt. Reliqui omnes, avaricia præsidum, censum exsolvere jussi & rusticis laboribus adscripti cingulum militare deposuerunt. Laudo quod ille subjugit consilium, de juventute diligenda etiam ex agresti plebe in pedestrem militiam: neque dubito fore id utilissimum. At observo heic, non quid fieri posse aut debuerit, sed quemadmodum sese nunc adeo habeat militia Polonica. Et vero unice meretur annotari, illarum Russiæ partium plebem, quæ Starovolscio judice ad delectum omnium aptissima, multis injuriis irritatam, correptis armis aliquot jam annos oppugnare rem publ. Polonicam, ita ut hanc hodie experiatur acerrimum hostem. Sed & in universum de illo peditum Ordine habemus fatentem Starovolscium illum. Pedites paucos habemus, (inquit,) eosque è plebe omnes, non ita ad pugnam quam ad labores castrenses evocatos: ut nimirum fossas dum opus fadiant, vallum excitent, pontes construant, vias sternant, tormenta & impedimenta bellica conducant, atque demum castra ipsa custodiant. Quod si vero oppugnationem loci alicujus meditamus, tum è Germania aut Vngaria mercenarios nobis pedites adducimus, qui sunt exercitatores nostri.

Saltim itaque in evocato milite domestico nihil est præsidij

præsidij reipubl. Polonicæ. Specta sodes jam & conduceditum. Equite vix alio utuntur Poloni, etiam mercenatio, quam ex nobilitate patria conscripto, quem quod parte quarta regiorum proventum in stipendium fruatur, ex instituto Regis Sigismundi Augusti, Quartianos appellant. Solet sane ille fortē satis sele ostendere. At vero simul disciplinam non audit, & si recte rem aestimes plus ferociæ habet inconsultæ, quam constantis fortitudinis. Sed & illorum ferocium parva admodum manus est: alij magis lingua quam pectore valent, & ut primo impetu animosi, ita repressi leviter statim languent atque à fuga precipite querunt subsidium. Multus quidem est in iis laudandis Starovolscius: at si ex vero aestimes illius narratunculas, apparebit, vehementer illum errare, dum soli illi equitatui adscribit facinora, quorum laudem maximam admistus pedes meruit.

Nec ego nec tu illis rebus intersumus, Nicanor: provocare tamē non dubito ad ipsas Polonorum historias, quæ neutiquam profecto Starovolscio consentiunt.

Majus haec tenus robur & præsidium rebus suis invenit Polonia, in illo pedite gentis suæ mercenario Cosaccorum Zaporovianorum. Et vero ex quo hanc militiam in ordinem & leges rededit Stephanus Rex, munimentum ille regni ferre unicum fuit adversus Scythicas præcipue incursiones, nunquam pene non metuendas, & vim Turcarum. Verum hoc olim fuit. Nunc quantum mutavit! Rebus gestis, & numero, & remotiore à regia loco, ipso denique solo suo & cœlo, cum non in tempore cavissent Poloni, in eam magnitudinem miles ille sensim excreverat, ut coercientium morderet frena; ac proinde prudenter ita erat tractandus, ut non advertenti (*ἐν προσυγωγῆς τετοδεῖ* iubent sapientissimi Græcorum) subtracta quidem insolescendi facultate

facultate, in amore tamen & reverentia Polonicae reipublicæ perseveraret. Poloni vero primum Cosacos injuriis irritare, inde arma in eos vertere, omnem militem illum pene exauktorare, nec ita quidem ab injuriis abstinere. Vnde tandem Bogdano Chmielnicio duce, acerrimum illud belli incendium ortum, quo septem jam annos Polonia universa tantum non conflagravit.

Multis injuriis læsos Cosacos, ne quidem prudentiores Poloni ipsi dissimulant. De illis inter multa alia hæc sunt verba Stanislai Lubienski Episcopi Plocensis in Censura Laureæ Austriacæ Iulii Belli; *Cæterum quadragesima proximus istis annis, numero & fortunis quas ex Asiaticis prædis corradunt aucti, prædia quoque & domicilia in oppidis Regiis & Nobilium habere cœperunt: quibus & uxores & res præiosiores deponerent.* Cumque locorum domini & Regii præfecti eos census ac tributis gravarent, & quasi in servitutem redigere vellent, sape illis rebellarunt. Ita orto ex libidine & cupiditate privatum disïdio, aliquoties eos publicis armis & impensis coercere opus fuit. Consule vero, Nicanor, & Piasecium. Ille narrabit, jam anno 32, defuncto Sigismundo, tempore interregni, cum alia tum religionis Græca salvas immunitates sibi petiisse Cosacos à Regni Ordinibus, nihil tamen aliud accepisse responsi, quam cura sibi futuras religionis Græcae rationes. Pristinæ scilicet & avitæ Græcae religionis cui assueverant, loco per vim invitis Sigismundus curaverat obtrudi, ut & aliis Ruthenis, ritus Latinos aut certe illos per Unionem cum Romano Pontifice institutam, Papali cultu interpolatos. Quæ intolerabilis est animorum servitus. Ejusdem Piasecii hæc sunt verba pag. 494. *Hoc anno, (1637) licet fortuna exituque tristiore, Cosacki pro retenendis libertatis suis laborarunt.* Cum enim diversi proceres Regni Poloniae, in ditionibus Kijoviensibus, Cosacorum præcipuis sedibus, multas

posseſſio-

posſeſſiones partim emptione partim liberalitate Regis acquisivissent, census earum ut augerent, licentiam Cosackorum qua tali ipsorum proposito obstat videbatur, refrenari oportere, apud Regem Senatumq; prædicabant. Narrat mox prolixius, quemadmodum post acerrimum conflictum, victis Cosaccis, dux eorum Paulucus cum quatuor aliis antesignanis post acceptā fidem ditione sint capti. Idem pag. 501 multis persequitur, contra datam fidem ducem Paulucum cum suis capite plexum: & publico Comitiorum decreto, omnes immunitates una cum oppido Techimirovū Cosacorum societati concessas à Regibus Poloniae, fuisse abrogatas, negotio daro præfectis bellis, ut nova expeditione susceptra, comitiorum illi decreto resistentes extirparent. Cum deinceps retulisset, belli illius adversus Cosacos initi variam fortunam, Cosaccoſq; ditionem tandem fecisse accepta securitate, fore ut in proximis comitiis pristina libertates ipsiſ ſeſtituerentur, addit solutis caſtris cum diſfluereſt manipulatim ad propria, plurimos eorum à militi regio trucidatos, privilegia ipſorum in ambiguis Comitiorum deliberationibus mansisse; quodque magis, (inquit) tribunus seu commissarius illis à Rege nunc unus nunc alter datus stipendia ipſis defraudabat, serviliterque eo tractando, non niſi quæſum quarebas ex illorum obsequio. Fatetur idem Piasecius pag. 508 Bogdanum Chmielnicki, ob injuriam atrociorēm acceptam à præfecto domiciliis sui Gorsumi, redditum insolentiorem, imprudentia vero ducum Polonicorum omnem Cosacorum sentinam, jam exacerbatorum acceptis diversis à præfectis locorum injuriis, tum & à tribunis seu commissariis apud eos regiis, quasi stipendia ipſis retardarent, & eorum obsequio ad ſuos quæſus abuterentur, ad ſeditionem provocatam effe. Hæc omnia Piasecius non dubitavit ad posteritatem referre. Sicut ingenua etiam ejus confessio extat pag. 509 de plebe Russica, quæ codem cum Cosaccis tempore, anno nimirum

E

1648

1648. arma corripuit: illam nimirum cum esset Grati schismatis, pertinacius infensam ritui Latino, dominisq; suis, Vnicne ut vocant istos ritus confundentibus, & quod ab ea colonaria (quia plerumq; ibi Nobiles, fundos suos locant Judais, insatiabili avaritia augendis possessionum censibus affuet) immensa extorqueant.

Sed non est quare de caussis motuum Cosaccicorum hoc loco differam. Satis est si observes, Nicanor, ab illo milite nihil exspectari hodie posse praesidij adversus Moschos quidem. Et vero eorum utrique ritus sacros Gracos colunt; jamq; adeo Cosacci in ditionem pene Magni Moschorum Ducis concesserunt: non adeo pridem fovere cum Tataris pacto Polonus aggressi sunt. Certe jam septem annos integros infensissimum reipubl. suæ hostem experta Polonia est Cosacos suos; suntque illi hodie Moschorum Duci sacramento adstricti, tantum abest ut ingruentibus Moschis sese sint opposituri.

Supereft unus miles externus. Et vero illo solet uti Polonia ex Hungaris, præcipue tamen ex Germanis conducto. At vero haec tenus quidem nunquam ille ad insignem numerum excrevit. Nec Germani nostri signa Polonica amant, quod durius plerumq; habeantur & iniquius ab insolente Polonico equite. Ne quid nunc dicam de illo odio, quo plarique Poloni in gentem omnem Germanicam feruntur. Certe nec Poloni nisi ægris oculis Germanuu militem vident, nec Germani Polonum fidum sibi solent experiri. Ut vero aliquid reipubl. Polonicæ opis sit positum in illo milite externo: quantillum, amabo, illud est! Quam impar sane Moscho, Tataro, Cosaccis! Et vero in universum miseram illam tempubl. cuius robur est in milite peregrino collocatum!

Expende porro, Nicanor, quam etiam reliqua sine quibus bellum non geritur aut miles officiū non facit, fuerint apud

apud Polonus non satis idonea ijs immanibus hostibus repellendis. Audi vero, sodes, ante omnia communem aliquam de ijs omnibus Starovolscij confessionem. Cum ad potestiam, ait, & firmitatem cuiusq; status requiratur numerositas virorum bellicorum, abundantia commeatuum, pecuniarum magnitudo, armorum sufficientia, & frequentia munitionum: nullum profrus ex predictis conditionibus debite & convenienter habemus. Hæc ille prudenter simul & ingenue. Audivisti jam tum ejusdem æque ingenuam confessionem de milite ipso: & à nobis ille oculis tuis modo est exhibitus. De singulis reliquis in promptu est adferre itidem plurima: ne molestus sim tamen, non nisi uno illo Staravolscio teste nunc utar.

Hujus hæc sunt verba: De commeatu non est dubitandum, quin tanta in bellis multitudinem Rex Polonia alere possit: cum sit cuiq; manifestum, Regnum Polonia posse alia duo similia regna, prout ipsum est, non modo frugibus sed & carnis & allio campanatico sustentare. Nihilominus nos Poloni in qualibet expeditione bellica fame laboramus: atq; sepiissime res jamjam ad finem perductas, propter commeatum penuriam, turpiter desertimus. Quod totum procedit ex socordia praefectorum belli, aut potius Reipubl. Ordinum, qui dum aliquorsum bellum edicunt, nusquam in partibus illis de commeatu provident, sed quod cuique militi sors offert, id rapit in transitu; & postea sese cum equis & famulis in castris sustentat. Fame vero oborta, aut morbis passim omnes intereunt, aut nolunt obedire ducibus suis, & dilabuntur. Quod si vero Respubl. primum ibi de commeatu provideret, quo exercitum mittere vellet, & commatus ille, ob abundantiam rerum omnium, parvo certe constaret, & expeditionem propositam facile ad finem optatum deduceret.

Pergit idem Starovolscius: Jam autem quoad pecuniam, parata illa in arario nusquam reperitur, sed tum demum, cum bellum

bellum per Comitia edicitur, provincialibus imponitur, vestigiaque diversa bello finiendo sufficientia statuuntur. Sed & hæc ipsa, vel tarde conferuntur, vel non ex integro in ararium infunduntur, potior pars privatorum cupiditati cedit. Que si paulo ordinarius colligerentur, atque etiam tum, cum bellum nobis nullum est, moderate imponerentur, & asservarentur in promptuariis: profecto & exercitus nostros celerius in hostes educemus, & militem ipsum obsequiorens in bellis habere-mus: qui dum avaritia gubernantium stipendia sibi retineri vident, facile in perniciem patrie conjurant, quod jam sapissime sumus experii. Hæc de pecunia publica ille. Debuillet autem merito addere, pecunia exigua vim posse contrahi, quoniam Episcopi & Religiosi nihil de suis bonis in publicum conferunt, cum tamen habeant opes longe maximas, multo certe majores opibus Nobilium, Regijs preventibus pene suppares. Quo nihil est indignius.

Sed audiamus porro Staravolscium. *Arma quisque sibi privatus curat è Germania, aut aliqua alia gente vicina portari: quia Rex aut Republ. nullum armamentarium publicum habet. Sunt tamen aliquot in locis repositoria tormentorum majorum nuperrime à Serenissimo Rege Vladislao IV instituta: sed plura multo & ordinatiora civitates habent, tamenq; nobiles non nulli & proceres Regni.*

Postremum & hæc addit: *Quantum ad munitiones & fortalitias, candide fatendum est, illa omnino in Polonia nulla existere, prater aliquot castella privatorum; idq; sparsim per provincias & Regnum, ut est Zamoscium, Lancutum, Zbarasium, Nesvizia, Lachovicia, Medireccia, Dulona, aliq; minutiores populationes. Hæc Staravolscius. Vult quidem idem ille: propugnaculis non esse opus, quod Poloni sua facile vel pectoribus suis rueri possint: prout hactenus rurati sint, aperto aperto Marte cum hoste decertando, quam vel stratagematis utendo vel*

do vel propugnaculis sese includendo. Verum hæc quidem persuasio æque est inanis atque illa veterum Laconum: quam proinde sapiens vir Aristoteles in opere Politico & nimia ruditatis nomine traducit & præclaris rationibus convellit. Et vero, ceu ille quoque dicebat, errorem illum res ipsa convincunt, & consensio omnium gentium prudentiorum veteris pariter nostrique ævi. Nec profecto quod aperto Marte hactenus tuta fuerit Polonia, etiam imposterum par fortuna speranda. Imo sperari illa non potest, postquam virtus prisca militaris multum adeo mutavit, & potissimum militem suum Polonia hodie experiatur hostem. Certe cum Poloniam natura ipsa vel mari, vel flavijs, (Borysthenem excipio: sed illum jam tum suum fecit Moschus) vel sylvis aut paludibus inaccessis neutiquam muniverit, & ab arte nihil acceperit præsidij, præ omnibus Europæ rebus publicis Polonia virium imbecillitate laborat.

Quum in hunc modum vero omnis res militaris Polonica sese habeat, cui non patet, imparem esse Poloniam repellendis vel solis Moschis; præsertim postquam non tantum Russica plebs Poloniae, verum etiam Cosacci ipsi in Czaris imperium transierunt?

Neque vero est quod cogitemus tempora prisca, aut veterum Polonorum in Moschis domandis felicitatem. Plurimum enim decrevit vijs Polonica intra paucos annos, præsertim ex quo Zaporovianus miles plebe Russica stipatus Polonus deseruit, quod jam saepius monuimus. Ex adverso longe melior hodie est ratio Moschicæ militiae quam fuit olim. Vtpote quum Germanico more signa sequi, ordinem servare, audire disciplinam & quidem subducibus Germanis caperit. Quodque maximum est, hodie sub imperatore est milesille, juvete belli avido, omnibus

bus domi pacatis: quum paulo ante à domino ignavo;
et rebus domi vel corruptis vel certe post diurnum ci-
vile bellum fessis, haberetur. Nec enim nunc repetam,
quanta Moschorum viribus facta sit accessio per Cosacos
& agrestem Russorum Poloniae manum.

Non est etiam quod existines, potuisse Polonos resti-
tuere in integrum res suas. Primo enim ea utique vis fuit
Moschica, isque irruentis mali impetus, ut nisi parato
jam & constituto remedio reipubl. interitus haud potue-
rit averti. In omni mora periculum fuit. dumque deli-
berassent Poloni de componenda rectius reipubl. jam
perijssent, & in finibus Germaniae jam hæsisset Moschus.

Is deinde fuit status reipubl. Polonicae, ut nec vitia
sua ferre amplius potuerit nec domesticam medicinam
admittere. Consultationibus publicis comitorum quid
potuit esse magis confusum, factiosum, & turbulentum?
Parum abest quin Græcum illud de ijs affirmare licuerit:
gdecs gdecs dñs gdecs. Quid magis perniciosum reipubl.
quam paucorum Nunciorum terrestrium, quos vocant,
obnunciatione, integra Regni comitia reddi interdum
irrita? Quanto in vilipendio fuit Regia auctoritas? Quid
Regibus tandem reliquum mansit præter tenuem splen-
dorem? Non disputabo nunc, quibus de caussis & per quos
ingentem illam jacturam fecerit Regia majestas. Scio
enim & à Regibus ipsis illam præcipitatam, & à Regni Or-
dinibus sensim esse subrutam. At profecto ea est populi
illius indoles, ut etsi ferre nequeat dominatum integrum,
nequeat tamen etiam ferre integrum libertatem, ac pro-
inde nisi Regis dignitate salva ipse salvus esse non possit.
Iam cum antehac magistratus sacri pariter profanique
libera Regum prudentia constituerentur; quantis factio-
nibus, quantis tumultibus, res sancta & reipubl. summe
necessa-

necessaria jam annos aliquot cœpit involvi! Dixeris nihil
perinde rem publ. aliquamdiu turbasse. Ipsa summa judi-
cia laborasse, ut ita loquar, lethaliter, querela publica
omnium fuit. Ipsemet Staravolscius non dubitavit inter
causas felicium armorum Gustavi Adolphi Regis in Po-
lonos referre, *iram Numinis, ob 101 scelerapublica impunita.*

Porro in omni populo Polono credin' fuisse qui
serio optarint reipubl. statum qui erat integrum? Mihi vix
videtur. Primum enim utique religionis obtentu inter
fese hostili prope fuerunt Poloni animo, ex quo Sigismundi
Regis cura Iesuitæ in Regno illo invaluerunt. Iam à
multis seculis scilicet Ruthenica gens, quæ aut Poloniæ
Regibus aut Magnis Lithuaniae Ducibus subest, Græcos
ritus sensusque amplexa est, multum à Romanis diversos,
quibus populus reliquus fuit addictus. At semper inter
illos pacata omnia: nec sacrorum diversitas reipubl. civi-
lis communis studium turbavit. Posteaquam Romanus
cultus avorum memoria passim terrarum ab erroribus
superstitionis purgatus est, in Polonia quoque numerosa
satis multitudo novis illis partibus accessit: non sine ali-
quo motu quidem, qui tamen intra modum fuit, nec ali-
quod animorum divertium induxit. Simul vero Sigis-
mundus Rex Iesuitarum consilio & opera sacra profana-
que omnia cœpit regere; jam omnia turbari, solis Roma-
næ superstitionis a seculis honores dignitatesque vindicari,
diversa sentientes convitijs & contumelij affici, in eos
tanquam hæreticos extrema meritos omnem reliquum
populum incendi, omnes urbes Iesuitarum collegijs alli-
eiendæ juventuti idoneis repleri, misero denique Ruthenorum
populo atque adeo & Zaporovianis Cosaccis Ro-
manensia illa per vim obtrudi. Vnde ita in partes scissus
est populus, ut jam ipsimet reipubl. suæ indignentur partes
quæq;

Quæq; Romanenses enim illi, et si numero & dignitate reliquis prævaleant, accensi indocto zelo, cum injuria coniunctum existimant quod supersint qui sentiant aliter, præsente felicitate sua neutiquam contenti. Reliqui dolent, deprimi se & honoribus debitibus privari tantum ob innoxios sensus. Multo maxime fremunt Rutheni vim passi. Nulla harum partium igitur amare potuit præsentem reipubl. statum, quippe quum nulla non de injuria conquesta sit, quam ex publico statu accepit.

Lege, sodes, Nicanor, quæ ipse met Piascius narrat de Iesuicarum quidem auctoritate apud Sigismundum pag. 300: quemadmodum illi Iesuitæ innumeris contentiobus urbem Rigam ad desperationem adegerint pag. 347: de turbis ex Vnione quorundam Russicorum anti-stitum cum Papa Romano facta exortis, pag. 139. & 444. & 459. Quo ultimo loco ut & pag. 445. 448. 456. 458 simul disces, Evangelicorum tolerantiæ, sacramentis Regijs dum confirmataæ, quam sese opposuerint in illo post Sigismundum interregno optimatum Regni primores, quod que illam non admiserint Præsules, nisi addita illa clausula: *salvis iuribus Ecclesie Catholicae Romanae*: quæ quid sibi velit nemini est occultum. Indico duntaxat tibi loca, quæ possis consulere si libet: nec enim mei est instituti hæc omnia plene narrare. Staravolscius non dubitavit affirmare, eo rem rediisse, ut nemo in Senatum admitti, aut ad minoria subsellia vocari quisquam posuerit, nisi Romane professionis. Kobierzyckiis vero, quo loco in defuncti Sigismundi laudes se diffundit, l. i. Vladislai Principis, hisce verbis utitur: *Constantissimum materna pietatis cultorem habuit Polonia: quam serpente heresos contagione leni at efficace (efficace fane apud ambitiosos, at iniqua & communi omnium libertati adversa) medicina ad veteris orthodoxæ religionis revocavit*

vocavit sensum, cum prefecturas & magistratus deferret virilis ars & majorumq; fidei apprime tenacibus: cog, dominationis arcane (fuit sane arcانum dominationis, utpote cum hoc ipso unam eamq; majorem partem procerū zelotarum sibi Rex plurimum devinxerit, exiguo tamen commodo) retento, hereses absq; ullo strepitu partim supprimere, partim memorandie pietatis exemplo ad pristinum reduceres statum. Et qui potissimum præcipuamq; Senatus partem novo ac recenti addictam dogmati in primordiis regnorum repererat, decedens duos tantum relinqueret, Sigismundum Grudzinum Calisensem, & Raphaëlem Leszynium Belzensem Palatinos, illum quidem occultiori cuidam sectæ deditum, proindeq; minus noxiū; hunc Calvini sequacem, summae nihilominus probitatis civem patriæg; studentem com-modis.

Peccò forte, Nicanor, quod probare instituam testi-monijs illa, quæ omnibus Polonicarum rerum gnaris sunt notissima. Vtile tamen duxi saltim pauca hæc ad-fere in medium, quo omnis dubitatio tuo animo exi-matur, quoniam haud facile soles credere (quæ tui est ingenij probitas) sequiori famæ et si vulgatissimæ.

Non vero illa tantum ratione dissecta est in partes Polonia, verum etiam in universum inter ipsos Equites & Prælatos, quos penes cæteroquin summa est reipubl. pessime convenit. Capita contentionum (sunt autem ponderis haud exigui) legere licet apud Piascius pag. 444. Neque Equitum caussæ justissimæ à republ. ullum potest esse remedium, quum clerus curiæ Papalis favore se tueatur. Et tamen nemo prudens non videt, illa quæ Episcopi arrogant sibi jura, non posse salva republica ad-mitti.

Quis crediderit porro, populum omnem ingenuum
F reliquum

relicum amasse illam rempublicam, quæ sese exclusit ab honoribus adeundis? Non sane firmo est loco civitas quæ plorosque habet inhonoratos.

Longe vero iniquior est conditio plebis Polonica; quia durissima premitur servitute. Ceu jam supra audivimus, plebem agrestem Ruthenorum, ob summas injurias, in ipsos dominos suos arma corripuisse. Multo minus ergo plebs potuit præsentem reipubl. statum amare.

Taceo alias privatas lites, quibus Polonia hodie est refertissima, ipsomet teste Staravolscio: quoniam minus quam reliqua dissidia in publicum nocent. Etiam illa tamen animos ab amore publici status multum avertunt. Nihil etiam dicam de immani luxu pariter & luxuria, quibus ditissima patrimonia brevi absorbentur, & qui ad egestatem sunt redacti ad res novas incitantur. Non tangam quoque illam superbiam: qua factum, ut alios tantum non omnes præ se contempserint, cum primis ipsos hostes suos. *Minimi sese semper fecisse Suecos, ultro fatetur Staravolscius.* Silebo denique illam ditescendi cupiditatem, quæ aliquamdiu inter Polonos præter solitum exarsit. Prudenter tamen Staravolscius fatetur, illa cupiditate hoc effectum, ut minus publicis rebus modo sint intenti Poloni, & quisq; eorum privato commodo studeat: ex quo procerum assidue discordia, nobilium inobedientia, aula suspicione, Principis contemptus, rerum neglectus passim.

Non possum vero non tibi considerandum expondere immodicum illud libertatis studium, qua lue laborat universa Nobilitas Polonica. Nec enim illa veram libertatem denique cupiit, sed in licentiam effusa nec leges amplius nec Regis aut magistratum jussa audijt: unoquovis plenum suarum rerum arbitrium affectante. Hoc enim

enim est evertere penitus rempublicam & convellere omnem societatem civilem. Certe hisce moribus rempublicam tueri salvam, unum est eorum quæ sunt impossibilia. Nec vero est quod sperare meliora quem jubent tempora mollia, quæ interdum hisce vitijs laborantes resplicas aliquamdiu sustentant. Simul enim vel domi vel foris gravior aliquis motus exoritur, respubliæ ejusmodi illico collabascunt. Perinde atq; domus aliqua aut navis lacera cælo benigno quidem superest & mentitur aliquod robur; tempestate tamen mox succumbit.

Atqui tantis morbis laborantem Poloni invasit immanni multitudine Moschus. Qui potuisset itaque non illa tota in tam potentis hostis ditionem pervenire? Et vero pene omnem Lithuania, & Russiæ Polonicæ pleraque, inusitata armorum felicitate, spacio temporis perexiguo Moschus jam subegit. Nec potuerunt Poloni dissimulare suam imbecillitatem, maximum ruentibus suis rebus præsidium à Tataro, capitali gentis hoste, expectando.

Iam ante ostendi, in tanto discrimine & tam præsente, rempublicam suam non potuisse Polonos ita emendare ut esset par tuendis reliquis. Non obscurum vero est etiam ex ijs quæ in medium attuli: etiamsi tempus hoc admisisset correctionem; mores tamen eos esse, eoque rediisse Polonica omnia, ut nisi vi adhibita respublica quo par est modo componi haud potuerit. Numquid enim cui fiat verisimile, homines illis moribus & institutis non tintos, non imbutos, sed plane immersos, innutritosque, sponte sua, boni publici caussa, mutaturos illa sibi adeo accepta, laudata, usitata? Alienum est hoc ab omni humano ingenio. Et vero quis illis per-

sugdeat, saltim improbum esse illud libertatis studium quo ducuntur? Utque multis hoc persuadeas, cum paucissimi quid expeditat publice, præ inani cupiditate privatae rei, intelligent, saltim apud plurimos doctrina sola nihil effeceris. Sed & qui intelligent bona malaque, tamen raro ea sunt virtute, ut quæ intelligent secentur.

Viergo quadam opus omnino fuit reipubl. Polonicae si corrigi debuit. Vi, inquam. Nec vero tales rerumpubl. morbos nisi vi sanaveris. Certe ut corporis ita & reipublicæ mala quædam ferrum & ignem exigunt: molli aut lenta medicina exasperantur augescuntque.

Cæterum nec domi (in ipsa inquam Polonia) partis alicujus, fuit vis par illi carcinomati edomando. Non Regis sane, non alicujus Nobilium ordinis illa fuit potentia. Utq; fuisset; attamen num pars victrix fuisset omnia ex usu publico compositura, per profecto est incertum. Ut sequiora quæque suspicemur, movent nos plororumque mores efferi.

Quicquid hujus sit, non potuisse amplius Polonus Moschorum potentiae resistere, ac proinde futurum brevi fuisse, ut omne illud Germaniae latus barbaræ Moschorum tyrannidi & Tatarorum incursibus nudaretur, haud dubie, perspecta penitus Polonorum republ. etiam tu, Nicanor, jam confiteberis. Cave, vero, dubites, Suecorum consilio & viribus imposterum ab illo quidem immenso periculo nos tutos fore. Favet illorum conatus altissimum Numen: ceu palam est. Præest Rex, pietate non fucata, prudentia, dexteritate agendarum ruin, animi generositate & fortitudine, vigilancia, modestia, benignitate, clementia, nemini eorum quos hic sol vidit rebus magnis gerendis pares, secundus. Huic

ad ma-

ad manum Senatus fidelis, gnarus, cautus; exercitus belandi vetus, obsequens, numero magnus, virtute maximus, semper victor, nunquam vicius. Abunde est prudentiae ad componendam feliciter rem Poloniæ: abunde potentiae ad improbos & refractarios coercendos. Quanto magis junctis Sueciæ viribus idonea imposterum erit Polonia, procul abigendis Moschis, Tataris, alijsq; barbaris!! Non sine causa profecto jam tum Constantinopoli trepidatur ad hanc potentiam. Certe non major fuit Alexandri vis, qua Persis superatis omnem Asiam domuit. Et ex illis ad Pontum locis Gothi quondam Macedoniam, Græciam, & Asiam populati sunt.

Legi quidem nuperissimi Polonorum Legati Christophori Przimski orationem, ad Regem Carolum Gustavum habitam: qua tumidus orator ille etiam hoc persuadere voluit, non posse feliciter Poloniam cum Suecia conjungi, quod distinctissima sint regna: divisæ naturam mari: dissociasse constitutionem imperij & religionem: dispare legibus, moribus, habitu, lingua: in nullo sibi populos hosce esse similes nisi ferocia discordiarum omnium fomite. Non potui vero non ridere hæc à Polono eoque Casimiri Regis Legato, dici: quum tamen jam sexaginta prope annos perpetuos Polonorum Reges affectaverint in Suecos imperium, & Polonici Regni Proceres Regum suorum illa desideria consilio, ære, milite juverint: imo cum in suam rempublicam receperint Poloni ipsi olim, & Russos institutis sacrис pariter profanisque multum alienos, & Borussos Livonosq; lingua & moribus semper, hodie etiam religione diversos, & Lituanos denique cum adhuc foeda barbarie & paganismo essent collutulati.

Distinctiones ejusmodi obstare constituenda reipu-

blicæ alicui absolutissimæ omnibusque numeris perfectæ,
fateor. At illam ut voto optare licet, ita assequi non
licet. Platonicæ civitatis ea felicitas fuerit. De illa con-
denda nulla hodie deliberatio est. Gentes non minus
atque Poloni sunt & Sueci, mari divisas & institutis dif-
ferentes, in unum respubl. corpus sic satis feliciter posse
concrescere, jam à plurimis seculis inter omnes homines
usu compertum est. Ad linguam moresque alienos ad-
discendos ipsi Poloni longe sunt aptissimi. Non dubita-
vit sane eorum ingenium hoc nomine commendare
ipsemet Starovolscius: quod non solum ad convictum atque
familiaritatem quorumlibet faciles, verum etiam ad mores &
imitationem eorum cum quibus vivunt, externorum præsertim,
sint flexibles; quod item libenter peregrinentur, & earum gen-
tium linguas ad quas perveniunt cupide & facile addiscant.
Non sane vel in medio Latio tam multos reperiri cum quibus
Latine possis loqui (quod idem dicit) verissima Poloniæ laus
est. Ut mores aut habitus aut leges omnium ijdem sint,
non est necessum in republica, qualem constituere vul-
go solemus. Satis ergo fuerit; si imposterum uterque
populus conveniat in legibus, quæ utriusque salutem
bonumque commune attinent. Nec ea est ferocia Sue-
corum (quod Prsimsky forte existimat) quæ Polonum
non ferat. Germanicus genti animus est: qualem in
Prussis & Livonibus Poloni utique non sunt aversati.
Ne Polonorū quidem ea ferocia fuit, ut non ultro sibi
expetierint Regem olim quidem Lithuanum Jagellonem,
non adeo pridem Henricum Vallesium Gallum, Stepha-
num Bathorium Hungarum, Sigismundum Suecum: imo
non passi sint per aliquot centum annos Germaniæ no-
stræ Reges sibi dominari. Quod si quorumdam major
hodie

hodie est ferocia, cogitemus vetus illud:

Nemo adeo ferus est qui non mitescere posse.

Non desunt remedia compescendæ ferociæ, & mitigandis
superbis pectoribus.

Maximum concordiæ statuminandæ obstaculum vi-
detur fore Papalem religionem, qua plœrorumque proce-
rum aliorumque animi fascinati sunt. At vero jam au-
divisti, Nicanor, plurimis seculis, Russos Græcis sacris ad-
dictos cum Polonis Latinorum rituum assecilis pacate
in unam rempubl. coaluisse: inter eosdem porro Polo-
nos & Protestantes sic satis bene convenisse: donec Iesuita-
rum magisterio in odium omnium dissidentium multi Po-
lonorum incensi sunt. Non diffiteor, manente illo amaro
zelo, sinceram aliquam animorum unionem haud sperari
posse. Potest vero & ille in concordiam paulatim temperari
modo non uno, tantum si removeantur è medio illi in-
cendiarij. Nec vero fortassis fieri hoc invitis multum
Polonis ipsis: utpote quum jam ante hos quadraginta
annos idem agitaverint procerum complures, quod li-
bri tunc editi docent: & annui redditus habeant quidem illi
magistri, plus quadringenis milibus, tanto sumptu tamen
tamq; insano, oratorem nullum, Historici Politici ne umbram
quidem, Semisheologastros Scholasticos aliquos, Philosophum
sesquialterum, qui non dicere sed dictare tantum sciat, habeant,
quod ipsa Academia Cracoviensis illis publico libro ex-
probravit.

Sed non est quare nos, Nicanor, ea cura mordeat.
Deus qui in usitata felicitate Suecorum arma hactenus for-
tunavit, Serenissimo Regi ejusque prudentissimo Sena-
tui consilia componendæ reipublicæ non denegabit.
Et vero quidni hodie prætent Sueones Gothique, quod
olim

olim æterna cum nominis laude Westrogothi Ostrogothique in Italia Hispania & alibi præstiterunt? Imo quod Gothi quondam effecerunt in ipsis illis Polonici hodie Regni provinciis. Ex Iornande sane discimus, Gothos simul trans Vistulam migraverunt, gentem Spalorum (quæ est ipsa nostra Polonorum trans Vistulam tunc habitans) viætricibus armis superasse, & denique Hermannico Rege (quo tempore Gothi Russiam rubram, & Wallachiam incoluerunt,) omnes populos inter mare Balticum, Euxinum pontum & Danubium suo imperio subjecisse. Nec tamen est quare hisce antiquis exemplis optima quæque nunc sperare te jubeam, cum alia sint ad manum recentissima. Ego potius quoniam tuis dubitationibus, nisi fallor abunde satisfeci, & jam modum pene excessi epistolæ, tandem desino. Deum autem reveror, ut perget favere viætricibus inelyti populi armis, nobisque Germanis integrum servet tranquillitatem. Vale. vi Kal. Novembr.


CIC 13 C LV,

F I N I S.

Arma ferenti

Omnia dat qui justa negat.





Biblioteka Jagiellońska



stdr0013334

Mc 4152 (1)-(6)

Hist. Polon.

Miscell.

78.

